



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Ullip - Ullip - Ullip
The copy of the book

1905

891.99

S-52

B.T.C.

Владимир-Тамбовская
МАСТЕРСКАЯ
Е. В. Губ. - Тамбов
Тамбовск.

5105 80 5

Մ. ՏԻՐ-ՍԱՐԳՍԵԱՆ.

891-99

~~55-52~~

№ 8895

ԻՄ ԱՐԿԱԾՆԵՐԸ

(ԶՈՒԱՐՃԱԼԻ ԻՐՈՂՈՒԹԻՒՆ)

Արդիւնքը յատկացուած է նախիջեւանի կոտորածներէց
վնասուածների օգտին.

1001
4169

2/0
5/5

Գինսն է 20 ԿՈՊ.



ԵՐԵՒԱՆ

ՏՊԱՐԱՆ „Պ. ՅՈՎՀԱՆՆԻՍՅԱՆՑ ԵՒ ԸՆԿ.“

1905



Արժասնապատիւ

ՏԵՐ ՄԿՐՏԻՉ ԱՒԱԳ ՔԱՀԱՆԱՅ

ՍԻՐԵԼԻ՜ ՀՕՐԵԶԲԱՅՐԱ,

Անշափ ուրախացրիք ինձ, որ հետեւելով ս. Աւետարանի «Հովիւ քաջ գանձն իւր դնէ ի վերայ ոչխարաց» անմահ խօսքերին՝ Ձեր ութսունամեայ զառամեալ հասակի մէջ մերժեցիք հարազատ Սարգիս և Խաչատուր որդւոցդ կրկնակի հրաւերն ու աղերսը՝ թողնելու Ձեր հօտը և աղէտի բեմից—չին նախիջևանից տեղափոխուելու իրենց մօտ՝ ապահով ապրելու համար:

«Ժողովրդիս արտասուաց արժանի գերեզմանն է այսուհետև ձեր ծնողների ամենաապահով տեղը», ասացիք ու գրեցիք Դուք.—«Ապրեցէք դուք երջանիկ և աղօթեցէք մեզ համար, որ շուտով հասնենք մեր ցանկալի նաւահանգիստը, հանգչինք նրանց մօտ»: Ահա Ձեր խօսքերը:

Այդ հանգամանքը, սիրելի՜ հօրեղբայր, որդիական պարտք գրեց ինձ վրայ սոյն շնչին աշխատութիւնս նուիրել Ձեզ և Ձեր լքեալ ժողովրդին, որի օգտին պիտի վաճառուի նա:

Հոգւոյ առանձին բաւականութեամբ լսեցի, որ ամեն օր հսկուական պարտք էք համարում Ձեր բնակարանին կից հինաւուրց գերեզմանատունը մտնել և նրա գրկում ամփոփուած մարտիրոսների ընդհանուր գերեզմանի վրայ «հոգւոց» մրմնջալ:

Լսում եմ, որ ամեն օր «Բարի արարէք տալիեաց ձերոց»-ին հետեւելով՝ երկնամբարձ ձեռքերով և արտասուալից աչքերով թողութիւն էք խնդրում Արարչից անլուր աղէտի դարանալար հեղինակների և տգէտ եղբայրադաւ խուժանի համար՝ ասելով, «Հայր, թող դոցա, զի սչ գիտեն զինչ գործեն»:

ՕՐՀՆՈՒԹԵԱՆԴ ՄԻՇՏ ԿԱՐՕՏ ՈՐԿԵԱԿԻ՜

Մ. ՏԵՐ ՍԱՐԳՍԵԱՆՑ:

Дозволено Цензурою г. Тифлисъ, 2 Юля 1905 г.

10 Յուլիսի 1905 թ.

Երեւան:

ՀԱՅԿԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

ԿՈՒՆՍՏԱՆՍ 1876 Վ

Հայաստանի գրագրական կենտրոնի կողմից հրատարակված է այս գիրքը, որը նվիրված է հայաստանի գրականության պատմության և զարգացման ուսումնասիրությանը։

ԻՄ ԱՐԿԱԾՆԵՐԸ

1876 թուի յուլիսի սկզբներին էր:

Աստուած ձեր անցաւորաց հոգին լուսաւորէ՛ իմ մէկ բարեկամ, այժմ հանգուցեալ, Ս. ... Բ. ...-ի հետ Ալէքսանդրապոլից Երևան ենք գալիս՝ Արաղածի լանջով, Բաշապարանի վրայով: Ի՞նչ դժուարութեամբ երկու հազուագիւտ ձի ենք գտել քրէհով՝ իրենց թուրք տէրերի հետ: Սորա ձիերին, ձիերն էլ տէրերին ըստ ամենայնի արժանի էին—*Խոռշիւ գրորուել կը՝ պուռուկը գտնել:* Մէկը մէկից քոսոտ, մէկը մէկից նիհար, մէկը միւսից բզկտուած, մէկը միւսից թամբալ ու փսլնրոտ, թէ՛ ձիերը և թէ՛ տէրերը: Երկու ձիերն էլ Վիկտոր Հիւզոյի «Քշուառներ»-ի շարածնի Գաւրօշի ասածի պէս՝ կարծես մէկ մէկ տակառ էին կուլ տուել, այնքան որ նրանց կողերը ցամաք կաշիների տակից դուրս էին պրծել, և պարզ համարում: Նրանց տէրերն էլ, անշուշտ, եթէ մերկանային, նոյն պատկերը կընծայէին, զանազանութիւնը այն կը լինէր միայն, որ առաջինները շորքոտանի էին, իսկ երկրորդները երկոտանի, նորա միշտ անվնաս ու խնդրո՞ղ իսկ սորա հարկը պահանջած ժամանակ մի մի ահռելի աւագակ ու գազան:

Հանգուցեալ ընկերս առանց հեռատեսութեան ակամայից պատժել էր թէ իրեն և թէ իր ձիուն: Բաւական չէր, որ ինքը հաստամարմին մէկն էր՝ այլև ծանրաբեռնել էր իրեն 30--40 տարի իր պատենից յոյս աշխարհ չելած մի երկայն ու կեռ քրդական ծանր թրով, նոյնպիսի մի չախմախի հրացանով, երկու դարաբինա ստուած ասիական հին ատրճանակով, դարափափախի արշինուկիսանոց դաշոյնով, վառօդամանով և այլն ըստ կարգին: Այն լայնանիստ բըրդոտ փափախը, որ նա դրել էր իր գլխին, եթէ կշռէիք, հաւատա կէս փութ գար, վայն եկել տարել էր իր ձիուն: Լուսահագուն հարցնող լինէր, թէ այ՛ մարդ, հէնց ամէն փոխ տուած բան կողքից կամ շնքից կը կախեն, որ դու կախ էիր տուել ...: Հաւատացած եմ, որ եթէ նրան անցեալ դարուց մնացած մի թնդանօթ էլ տային՝ այն էլ քաշ կը տար շնքից, այնքան որ գէնքի սիրահար էր հանգուցեալը և այդ հակառակ իր պաշտօնի ոգուն: Երկուսս էլ ուսուցիչ էինք. նա ինչպէս ասացի, չը կայ այժմ, իսկ ես այդ պաշտօնի մէջ ապրում եմ տակաւին՝ յամառութեամբ և ակնկառոյց սպասելով՝ թէ երբ արդեօք կենսաթոշակս պիտի ստանամ—վռնդուեմ հայ դպրանոցների շէմքից, երեւի 2 տարի յետոյ, ըստ որում ծառայութեանս 33 տարին նոր է լրանում և ռոճկիս քանակութիւնն էլ հասել է ուղտի պոչի քոքին: Բայց թողնենք այս: Գանք տարաբաղդ ընկերոջս աւելի ևս տարաբաղդ ձիուն: Այս խեղճը,

ընթերցող, հէնց որ աչքը ձգեց իր վրայ նոտողին՝ սկսեց գլուխը տանել—բերել և լուռ ու մունջ թափել աչքերից, քաշելիք տանջանքը և բեռի ծանրութիւնը աչքի առաջն առաւ կարծես: Լեզու ունենար՝ պիտի անշուշտ նա ասէր, այ՛ օրհնած, մի արի տեսնենք ես ինձ շատ եմ կարողանալու տանել, որ քեզ էլ քո գէնքերով ու թաշախուստով տանեմ: Խեղճի մեղքը հանգուցեալի վիզը. ճար չունէր, անլեզու հայվան էր, ակամայ պէտք է հնազանդէր իր վիճակին: Եթէ ներկայ քսաներորդ լուսաւոր դարում լեզու ունեցող երկոտանի բանական արարածները մեր աչքի առաջ անլեզու հայվանների նման ծեծուում, մորթուում, կոտորուում, թալանուում, և քարուքանդ են լինում ու դարձեալ հնազանդուում իրենց վիճակին, ո՛ւր կը մնային մեր անլեզու չորքոտանիները՝ անցեալ տգէտ ու խաւար 19-րդ դարում: Բայց պատմութեանս թելը չը կորցնենք ... ինչ ինձ էր վերաբերում՝ յոյսս դրած ընկերոջս քաջութեան վրայ՝ ո՛չ մի գէնք, անգամ դանակ կամ ասեղ չէի վերցրել, վերցրած էլ լինէի, խոստովանք պահէք՝ գործածելը չը գիտէի, որի համար, ընթերցող, մանաւանդ այժմ, շատ եմ ամաշում: Ուղիղն ասեմ, ուզում էի մի հրացան էլ ես վեցնեմ և ունէի էլ տանը, բայց անմոռաց բարեկամներիցս մէկը Ս. ... Բ. ... եանը, որ այժմ նոյնպէս հանգուցեալ է, քաջութիւնս և անվեհերութիւնս գիտնալով՝ զգուշացրեց ու ասաց. «Եթէ հրացանդ վերցնելու ես՝ լեւայոդութեամբ գործ դիր ու

գնգակ քիչ առ հետդ, որ քիչ մարդ սպանես, յուլիս ամիսն է, Երևանում կրակ է թափում, սպանածներդ մեզը կը լինեն, ճանապարհին ընկած կը հոտին և մարդ չի գտնուիլ, որ ժամանակին թաղի»: Մտադրութիւնս թողի ... այն օրէից սկսած՝ հրացանիս դեռ ձեռք չեմ տուել և այդ դէպքից 11 տարի յետոյ Ալէքսանդրապօլից պաշտօնով Երևան փոխադրուելիս՝ մաֆրաշիս մէջ կապած եմ բերել, ու, փնտք Աստուծոյ, մինչև այսօր դեռ ոչ մի փորձանքի չեմ հանդիպել, թէև շատ անգամ եմ այս ու այն կողմ ճանապարհորդել: Թէ ինչ օրի է նա այժմ՝ տակաւին չը գիտեմ, որքան ժանգ է բռնել՝ նոյնպէս տեղեակ չեմ, թէև գիտեմ, որ տանը պէտք է լինի և հանգիստ կերպով մի տեղ պարկած ու քնած՝ ցգալուստն Քրիստոսի: Գարձեալ իմ ճանապարհորդակից ընկերն է միտքս գալիս: Լուսահողին թէ այն ժամանակ և թէ այժմ յիշեցնում է ինձ այն լօպպազ — պարծենկոտ թիֆլիսցիք, որոնք ճանապարհորդելիս գէնք չեն թողնում, որ վրաները չը կախեն — զարգարուելու համար: Զատ անգամ է պատահել, որ այդպիսիները ճանապարհին հանդիպել են մի անգէն թուրքի կամ քրդի լամուկի և դեռ «սլծտանն դիռչ»-ը չը լսած՝ սարսափահար իրանք իրանց մերկացել են գէնքից և կամովին գէնքը յանձնել նրա ձեռքը: Իմ ընկերն էլ նրանցից մէկն էր, թէև ինձ մօտ յոխորտում և Քեօթօղլի էր ձևանում. — մենք ամենքս, կարծեմ, շատ սակաւ բացառութեամբ, մի սանրի

կտաւ ենք — այդպիսի քաջերիցն ենք և իսկական Քեօթօղլի ենք դաւնում մեր կանանց առաջ՝ մեր սենեակների շորս պատերում, առանց մտածելու, որ այժմ կեղծ քեօթօղլութիւնը իսկի ձեռք չի տայ, թէ չէ գլխիդ կը նստեն և դեռ այդ բաւական չի՝ սեպհական տանիցդ էլ դուրս կանեն ու շօլէ շօլ կը գցեն ... այ, թէ նրտեղ է սագում մեր անմահ պապերի առածը թէ՛ «կո՞ծ քեզ ստեմ՝ այ կոռչայ որ՞ իմացիլ»: Ինչևիցէ ... խաշն իմն էր, զօրութիւնը ես գիտէի, անշնորհք գինակից ընկերս թէև վերջը գէնքից էլի շուգեց ձեռք քաշել և նիւթական գէնքը հողեօրի վերածեց — քահանայ ձեռնադրուեցաւ և այդ կոշման մէջ էլ հանգեաւ ի Տէր, սակայն այդ պաշտօնումս էլ նա ... բայց «Անջեցեսայնէրի հասնար կամ շար կամ ոջիւն», ասում է առածը, ուստի այդ մասին իմ կողմից վերջակէտ, մանաւանդ որ ճանապարհ ունենք գնալու:

Ունեցած չունեցածս փոքրիկ խուրջինս էր, որ ձիուս գաւակին կապելով՝ հեծայ: Նա իւր մէջքի հորիզոնական գրութիւնը համարեա չը փոխեց. բեռը թեթեւ էր: Ի գէպ, ո՞վ է տեսել հաստափոր ու գեր հայ ուսուցիչ, կարծեմ ոչ ոք: Նոքա բոյսն էլ յայտնի են իրենց տառեխանման, փորը մէջքին կպած նիհար կազմուածքով, որ սննդում է ամեն օր ամենաշատը մի տեսակ տաք կերակրով և այն՝ ճաշից ճաշ անպատճառ: Այդ բաղդաւորներից մէկն էլ ես էի, եմ և կամ մինչև այսօր, ուստի վարմանալի չէ, որ

ինձպէսները միշտ ամենահաճելի և ձեռնտու բռն համարուեն նկարապրածս ծոյլ ու նիհար մի ձիու համար: Բայց որ իմանաք, թէ ընկերոջս ձիու դրութիւնն ինչ էր նրա հեծնելուց յետոյ՝ Աստուած թշնամուս ցոյց չը տայ: Նստելուն պէս խեղճ անասունը իսկոյն երկու երեք օրեայ լուսին դարձաւ և գլուխն ու ազին ճիշդ այդ լուսնի եղջիւրները ձեացրին: Ալէքսանդրապօլ քաղաքում այն ժամանակ, ինչպէս և այժմ, կենդանիների ապահովութեան ընկերութիւն չը լինելով՝ ընկերս էլ թէև անտուգանք մնաց ու չը պատժուեց, բայց յետոյ, ինչպէս կը տեսնենք՝ ձիու խելքը մարդկային խելքին գերազանցեց, չը նայելով, որ մարդը բանական, իսկ ձին անբան արարած է կոչուում: Մի կերպ քաղաքից դուրս եկանք ու ճանապարհ ընկանք. մի վերստ հազիւ զնացած՝ երկու ձին էլ իրենց շնորհքը ցոյց տուին: Ես, որ կեանքիս մէջ ձիով առաջին անգամն էի ճանապարհորդում՝ զգացի, որ մինչև տեղ հասնելս ինձ տեսնողը ձիուս պէտք է մոռանայ. ընկերս էլ, թէև ձիով շատ էր տեղ զնացել, բայց նա էլ անպատճառ իր ձիու օրն էր ընկնելու: Երկուսն էլ կարծես խօսք մէկ արած ուխտել էին մեզ շարչարել. նրանց ընթացքը ձիու ընթացք չէր բոլորովին, մնում էր մեզ ուղտի ընթացքին փառք տալ: Եթէ սխալմամբ մի թեթև մտրակում էինք՝ մահը աչքներին առաջն էր գալիս ու գնում, այնքան որ անպիտանները հարում, զրխկացնում էին մեզ մեխերով կարկատնած իրենց կոշտ թամբերին:

էլ ուրիշ ճար չկար, պէտք էր իրենց կամքին թողնել, ինչպէս ուզում էին՝ թող գնային, այնպէս էլ արինք.— երկուսս էլ մտրակներս կապեցինք մէջքներիս, որ նրանց աչքներին չերևին, թէ չէ ահից էլի կսկսէին իրենց ուղտութիւնը: Հազիւ 5—6 վերստ էինք զնացել, որ ընկերոջս ձին գայթեց և քիչ մնաց ներքև գլորէր նրան, ինչ հալով էլի դրստուեց ու մի քանի քայլ փոխելուց յետոյ կանգ առաւ: Իմ ձիուս էլ մի մահանայ էր հարկաւոր. կանգ առաւ և նա. չար օրինակը աւելի վարակիչ է՝ քան բարի օրինակը: Աշակերտներից մէկը եթէ դասարանում օրինակ մի յիմար բան է անում՝ մէկ էլ տեսնում ես բոլոր ընկերները նրա վատ օրինակից վարակուեցին կապիկների նման. ով այժմ ուսուցիչ է կամ երբևիցէ եղել է՝ նա տեսած և զգացած կը լինի: Հեռու ուր եմ գնում. մօտիկ անցեալից խօսենք: Յիմար Բագուն եղբայրասպան կոտորած սկսեց և նորա օրինակին հետեցին իսկոյն մեր համշարիները Երևանում, Նախիջևանում և նոցա շրջապատ գիւղերում, որ հրդեհի պէս բորբոքուելով՝ դեռ չէ հանգել, մեր քօռ բազդից էլ մեր հրդեհաչէջ խմբի անդամները այնքան քիչ են, որ անգօր են հանգցնել, բայց ինչ ենք ասում, շատ տեղերում իսկի չը կան էլ, իսկ եթէ լինեն՝ ո՞ր մէկ տեղին հասնեն:— Ի՞նչ անենք, ընկեր, ասացի ուղեկցիս, իմ ձին էլ կանգնեց: Մտածելով, որ երկուսն էլ Երևանցի լինելով էչ շատ տեսած կը լինեն՝ սկրսեցի այդ երկարականջներին հասկանալի լեզուով

վազաքշել նրան. «հըը՛, երի... դուրբան երի...», բայց այդ էլ չօգնեց, ոչ մի քայլ առաջ չը փոխեց անիրաւը, — Ի՞նչ երի-երիների վախտ ես դտել, օրհնած, մտրակս հանում եմ, ստաց ընկերս:— Բայց տես, գուցէ յետինը չար լինի՛ քան առաջինս:— Ինչ ուզում է՝ թող լինի, ստաց բարկացած ընկերս ու մի թունդ շեպեց իր քեահլանին, սա ամբողջ մարմնով դողաց միայն, բայց չը շարժուեց: Զրըը՛ պպպ, լսուեց երկրորդ և երրորդ հարուածը փափուկ տեղերին, քեահլանն սկսեց ալեկոծեալ նաւակի պէս օրօրուել:— առաջի և յետեի ոտների վրայ փոխ առ փոխ ծանու լինել: Փակագծում ասենք, որ հանգուցեալ մանկավարժ ընկերս ծեծելու գործողութեան մէջ խիստ հետևողականութիւն էր պաշտպանում: Նա արդարև դպրոցում ծեծի կուսակից էր, որ չէր ծածկում ոչ ոքից, ինչպէս չը ծածկեց նաև Թիֆլիսում 1882 թուին գումարուած հայոց առաջին ուսուցչական ժողովում: Նա ուրիշներից տարբերում էր նորանով, որ քարոզում էր ծեծել անպատճառ *շխարհուկ տեղերին*: Շէնց այդ էր պատճառը, որ ձիուն էլ ծեծելիս այդ մանկավարժական սկզբունքը գործադրումէր նրա փափուկ տեղերի վերայ: Զրըը՛ պպ, հետեւեց չորրորդ ուժգին հարուածը, քեահլանը սկսեց քացի տալ, հինգերորդ հարուածից յետոյ նա աքացում էր արդէն ներքև գլորուած նստողին— սպառազինուած ընկերոջս:— Բարաքեալլա, բարաքեալլա, քեահլան, ստացի ես ու սկսեցի հռհռալ:— 20՛ ո ...

լսուեց ընկերոջս բարկացած ձայնը, որ արդէն վեր էր կացել և թողի մէջ կորած շորերն ու գէնքերն էր թափ տալիս: Նրա չօռը աւելի ևս ծիծաղս բորբորեց. նա կատաղեց ու մտրակի մի ուժգին հարուած՝ իմ ձիու կողքին, հերթն եկաւ նրան. առաջին արարուած՝ առաջին տեսիլ — սա էլ դողաց. հարուածը կրկնուեց երկրորդ և երրորդ անգամ:— արարուած երկրորդ— օրօրուեց ու ծառս եղաւ, չորրորդ հարուածից յետոյ արացելն սկսեց, հինգերորդից յետոյ գետնից վերկացած շորերս թափ տալիս՝ ընկերոջս ծիծաղն ընկաւ տկանջիս: Փոխս իսկոյն յետ տուեց: Այսպիսի թէ տեսքով և թէ արարքով իրար ըստ ամենայնի նման ու համաձայն ձիեր կեանքումս չէի տեսել, մի կուսակցութեան ձիեր լինէին կարծես և աւելի քան մի կուսակցութեան, այնքան որ իրար բերան էին թքել իրանց կատարեալ համերաշխութեամբ: Մեր ուղեցոյց ձիապաններն էլ, որ իրենց չորրօտանիների կուսակցութեան էին պատկանում՝ խօսք մէկ արած, իրանց ապրանքի յատկութիւնը քաջ գիտնալով՝ մեզ թողել, շատ առաջ էին անցել և չէին երեւում: Ինձ թուում է դիտմամբ էին առաջ ընկել, որ մեր վեր ընկնելիս թէ իրանք և թէ մենք իրարից չամաչենք, և յիրաւի, այն մնաց միայն մեզ մխիթարութիւն, որ մեր վայր ընկնելը ոչ ոք չը տեսաւ: Երկուսս էլ ձիերի փորերի տակն ընկած թամբերը մի կերպ ուղղեցինք, բայց վայ այն ուղղելուն, փորքաշների վրայ էլ հալ չէր

մնացել, թե ու շուանով իրար հասցրած կաշի-
 ների ծայրերը արձակուել, պրծել էին. նոյն կերպ
 էլ մենք կարկատեցինք:— Հը՛, նստում ես, թէ չէ,
 ասաց ընկերս:— Գլուխս քարն եմ տուել:— Ես պի-
 տի նստեմ և սրա կամակորուժեան հախիցը գամ,
 ասաց՝ ու փորձեց նստել:— Ոտքը ասպանդակին
 մօտեցնելը տեսաւ. քեահլանն սկսեց իր նախ-
 կին խաղը յետևի ոտներով. ընկերս մտրակեց.
 յետևի ոտներին ընկերացան և առաջի ոտները:
 ներկայացումը նորից պիտի սկսէր, եթէ ես չը
 համոզէի նրան թողնել իր անօգուտ փորձը:—
 Բաս ինչ անենք, հարցրեց նա:— Ի՛նչ պիտի ա-
 նենք, հերթով է, ասացի. մինչև 5 վերստ տեղ
 էլ մենք իրանց չը տանենք՝ էլ մեզ չեն թողնե-
 լու, որ նստենք. — ուզենք շուղենք՝ այդքան տեղ
 էլ մենք պէտք է իրանց չալակենք: Էլ ճար չը
 կար, սանձերն առանք ձեռներս ու սկսեցինք
 քարչ տալ: «*Ալ կսկիդք կռտեք*», երևի ասացին
 նրանք իրենց մտքում և դանդաղաբայլ հետևեցին
 մեզ: «*Անձարը կերել է քան ջարը*», մտածեցինք
 մենք ու առաջ ընկանք, որ հասնենք մեր հրե-
 դէնների տէրերին: Գնա՛, թէ պիտի հասնես, կար-
 ծում էինք, թէ առաջին իսկ գիւղում, Թափա-
 դօլլակում կը տեսնենք նրանց. ինչ հալով գիւղ
 հասանք և իմացանք, որ առաջ են ընկել: Ճիշտն
 ասեմ, ինձ այնքան չէր յոգնեցնում ոտքով գնա-
 լը, որքան ընկերս էր նեղում, որ կորացել,
 ըրտնել էր իր ժանգոտ գէնքերի ծանրութեան
 տակ:

էդ անիծածները գոնէ մօտ լինէին, գէնքերս
 իրանց տայի, շուտ շուտ կրկնում էր նա:

Ես դիտմամբ ձայն չէի հանում:

— Էս ինչ յիմարութիւն էր տօ՛, ասում էր
 նա:

Ես լուում էի:

— Հաւատա 4 փութ ծանրութիւն լինի
 վրէս այ:

Ոչ մի խօսք իմ կողմից:

— Ասա գէնքն ո՛վ, դու ո՛վ, ախր է, որ նառ
 ուղտի պէս շինքիցդ ու կողքերիցդ քաշ ես տուել,
 մե՞ծ բանի վրայ ես էլի:

Սուս եմ կացել:

— Դէ քաշի՛, ջանդ դուրս գայ:

Թէ դուք խօսել էք՝ ես էլ եմ խօսել:

— Առ էս հրացանն էլ քո ուսը գցիր, այ
 տնաքանդ, մի քիչ թեթեանամ, ախր ես մեռայ է:
 Համրացել եմ:

— Տօ մի ձէն հանիր է, ինչ ես պապան-
 ձուել:

Ինձ հետ ես:

— Այ չօռ ու ցաւ քեզ հա, բաս ո՛ւմ հետ
 եմ. Ա՛ռ էս հրացանը:

Ձէ, տղբէր, ես ինձ հագիւ եմ քաշ տալի:
 Արի բառնանք ձիերին, մեզ չեն ուզում տանել՝
 գոնէ գէնքերը տանեն:

— Էդ էլ ես լաւ ասում, ասաց ընկերս ու
 սկսեց մերկանալ գէնքերից: Բանից դուրս եկաւ,
 որ մեր ձիերը թէև առաջ ձայն չը հանեցին և

Թողին որ բառնանք, բայց յիտոյ նոյն կամակորութիւնը ձեռք առան, այնքան գծութիւն արին, որ ստիպուեցանք զէնքերից մերկացնել նրանց: Մի պտտանի ելքի վրայ էինք, որ անցնելով տեսանք ձիապաններին նստած, քաղցր քաղցր խօսելիս ու չիբուխները փստացնելիս: Տեսնելուն պէս քրտնակօլօլ քաջարի ընկերոջս կատաղութիւնը բռնեց, մտրակը քաշելը, հասնելն ու թըրըկացնելը մէկ արաւ: Թուրքի փափախն ընկաւ ու շշմեց: Երկուսն էլ վեր թռան տեղերից:

— Հառամգաղա, բու նա՛ օյին գեալդի ախր է, ասաց նա, (երկուսս էլ թուրքերէնից շատ բոբիկ էինք):

— Նիա՛ վուրըրսան աղա, նա՛ օյին դէյիրսան ախր ...

Բաս մեր վերընկնելը օյին դայիլ՝ նա՛ վար, ասացի ես:

Ընկերոջս մտրակը իր գործն էր տեսնում— իջնում, բարձրանում էր մերթ մէկի՛ մերթ միւսի գլխին, երեսին ու կողքին: Այս անգամ իբրև բացառութիւն՝ կոշտ տեղերն էլ փափուկ տեղերի հետ խառնուեցին:

— Աման, օլդիւմ, աղա, օլդիւմ, Ալլահա բախ:

— Օլդիւմ էլ՝ հալա սատկի էլ, քիչ էր մնում նահատակուէի, անիծած: Մտրակի շըրըպպոցը չի կտրում:

— Բէլա հայվան էշշակ աթ կը լինի ախր ...

— Աթ դա էշշակ օլու աղա, էշշակ դայիլ՝ ամա բիրազ նախօշ դը:

100
6914

Սասն բեան, հայվան. որ աթ դիր՝ նիա՛ բու քրտինքս ծլծլում է, հը՛: Դարձեալ մի մտրակի հարուած:

— Բաւական է, բաւական, համոզեցի ընկերիս, ծեծելով բան չի դառնայ:

— Ախր նա՛ օլմըշ, նիա՛ վուրըրսընդ բըզա, օլդըրմասընդ քի, կուրբան օլմ սըզա, աղաչում են թուրքերը մէկը միւսի յետևից:

— Գէթ, քօփօղլի օղլի քօփօղլի ... մի վերջին հարուած էլ և ընկերոջս բարկութիւնն իջաւ, ձիու քէնը իր տիրոջ գլխից, քիթ ու պռունկից ու կողերից հանեց, պըծաւ:

— Ախր մեան դա՛ հօլդաշըմ դա աթ զըրըխկ էյլաղի, քիչ մնաց կողքս շարդուի, ձեր հէրն ան... վերջապէս հանգստացաւ ընկերս: Թուրքերը մըտրակի գաղած տեղերն են դեռ բօրում:

— Հը՛ ... առաջ գեղանրսան ... դէ քորէք, որ սաղանայ, ասացի ես:

— Բեաս դը, օթըրն գեղեաք, աղա, օթըրըն, ասաց իմ ձիապանը, որ աւելի քիչ էր քօթակ կերել, քան ընկերը:

— Բաս չէ ու օթուր չենք անի, ոտքով կերթանք. քո հօրն ողորմի, ասաց ընկերս և իւր ձիու սանձը տիրոջ ձեռքը տուաւ, որին հետեցի և ես. էլ չը թողինք, որ նրանք մեզնից հեռանան կամ սանձերը բաց թողնեն: Գնում ենք՝ բայց Աստուած գնալ համարի. հաշոււմ ենք, որ այդպէս դանդաղ գնալով հազիւ ուրեմն չորրորդ օրը մենք տեղ հասնենք, մինչդեռ Ալէքսան-



զրապօլից Երևան այդ ճանապարհով ամենաշատը 90 վերստ է: Էլ հնար չը կար, մի անգամ ընկել էինք՝ պէտք տանէինք և մէկ էլ որ՝ այդ օրինակելի ճանապարհորդութիւնն էլ իւր քաղցրութիւնն ունէր, որ միշտ ձեռք չէր ընկնի: Կարձեալ սկսուեց սովորական ու տանջող կոստկոստոցը ձիերի: Ջգում էի, որ հազիւ տեղ հասնեմ, ոտներս սկսել էին ընդարմանալ ու ցաւել. հարուած ու քսուած տեղերը կոշտացել և անտանելի ցաւ էին պատճառում: Երբեմն ստիպուում էի ոտներս հանել ասպանդակներից, որ ծնկներիս անհանդուժելի ցաւի առաջն առնեմ, բայց այն ժամանակ էլ ձիու վեր վեր թռչելիս քիչ էր մնում, որ վայր ընկնեմ: Մի խօսքով նրա ամեն մի քայլափոխը առանց զգալի ցաւ յառաջացնելու՝ չէր վերջանում ինձ համար:

— Էս ինչ անտանելի ցաւի մէջ ընկայ, ստածում եմ ես, բայց ամօթիցս ընկերոջս ոչինչ չեմ ասում: Արևը խոնարհում էր դէպի իր մուտքը՝ վերջին ճառագայթները ձգելով սպիտակափառ և երկեղջիւր լայնանիստ Արագածի սեպաժայռ կատարին՝ երբ մենք հասանք նրա լանջում մի քարքարոտ բլրակի տակ հանդող շաջիխալիլ հայկական գիւղը: Որոշեցինք գիշերել այդ տեղ և առաւօտեան կանուխ ճանապարհ ընկնել: Գիւղը հասնելուն պէս իջևանեցինք գիւղեգրում գտնուած մի տան մէջ, իսկ թուրքերը իրենց ձիերի հետ նոյն տան ախոռում: Ձիուց իջնելս տեսայ, ինչպէս մի գունատ միս՝ համարեա չեմ կարողանում

չարժուել տեղից, մի կերպ ինձ ձգեցի տուն և ընկայ օդայի օջախի կողքերում եղած սաքուի— երկու տախտաձև օթոցներից մէկի վրայ:— չը, ինչ է եզել քեզ, հարցրեց ընկերս:— Ոչինչ, պատասխանեցի ես, յոգնել եմ: Թէյ խմելուց յետոյ ընկերս Մորֆէոսի գիրկն ընկաւ ու խումփոցը խստնեց օդային կից դոմի մէջ եզող եզների, կովերի, գոմէշների և հորթերի փոնջոցին, իսկ ես նաւթի ճրագի մբարձակ աղօտ լոյսի տակ սկսեցի իմ ճարը տեսնել: Գոտկատեղիցս ներքև էլ սաղ տեղ չէր թողել անիրաւ ձին: Ինչ տեղս որ թամբին էր դիպել կամ ուրիշ մասերին՝ կարմրել ու կոշտացել էր, ձեռք տալ չէր լինում. այնքան որ՝ անտանելի կերպով ցաւում էր. պէտք էր ցաւի առաջն առնելու համար մի հնար մտածել: Ուզեցի այդ կարմրած ու կոշտացած տեղերը շորի կտորներով կապել կապկպել, որ հետեւալ օրը չը քսուին դարձեալ և ցաւ պատճառեն: Չորի կտոր և թել էր հարկաւոր: Թաշկինակս կտոր կտոր արի, չը բաւականացաւ, ստիպուեցի ներքնաշապկիս առաջի փէշը կտրել և նոյնպէս մաս մաս անել: Թել էր հարկաւոր, իսկ հիւրընկալ տնեցիք քնած էին: Էլ ճար չը կար. կարիքը հնարագէտ է, ասացի ու ոտներիցս բամբակեայ գուլպիս մէկը հանելով՝ սկսեցի ճուկից քանդել: Կապկպեցի բոլոր ցաւ առած տեղերը ըստ կարգին: Անցած ժամանակ է, բայց ամենաքիչը ամէն ոտքիս միջին թւով բաժին ընկաւ մինչև 5—6 կարկատան: Ում կարկատանը շորերի վրայ է լինում և աչքի

ընկնում, իմ կարկատանները ընկան մերկ մարմնիս վրայ և ծածուկ մնացին թէ ընկերոջիցս և թէ թուրքերից: Ամօթիցս ոչ ոքի ոչինչ չասացի և մի կերպ թեք ընկայ քնելու, բայց անիրաւ ցաւը քնել կը թողնէր: Մինչև լոյս տապակուեցի ցաւից ու համաշխարհային ցուցահանգիսի գորդ լինելու արժանի գազան լուերից: Լուսաբացին հէնց նոր էր աչքս կպել՝ որ ընկերոջս ձայնն ընկաւ ականջիս, թէ՛ «ժամանակ է գնալու, վեր կաց»: Դարձեալ ոչինչ չասացի ու ամօթիցս ակամայ վեր կացայ տեղից. փոքր ինչ լաւ էի զգում ինձ և առաջուան սաստիկ ցաւից թեթեւացած: Քնաթաթախ թուրքերը նժոյգներս առաջ բերին և տեսնելուն պէս երեկուան տանջանքներս աչքիս առաջ պատկերացան: Ճար չը կար. պէտք է նստէիրք ու նստանք, հազիւ 2—3 վերստ էինք զնացել որ նորոգուեցին նախկին կսկիծն ու ցաւերը տւելի ևս ուժգին կերպով: Ինչ անելիքս չը գիտէի և երբ մտածում էի, թէ ամբողջ օրը պէտք է նոյն ցաւերով տանջուեմ՝ յուսահատում էի և զգում, որ ես գիմացողը չեմ: Մի քանի վերստ էլ ատամ ատամի տալով ինձ զսպեցի թէև, բայց այնուհետև համբերութեանս բաժակը լցուեց և ոտներիս ցաւը պատճառ բռնելով՝ իջայ ձիուց ու սկսեցի կամաց կամաց քայլել: Սկզբում ոտքերս հազիւ էին շարժում, բայց քանի գնաց՝ բացուեցին և զիւրացրին ընթացքս, այնպէս որ հարիւրապատիկ աւելի գոհ էի ոտքով՝ քան ձիով զնալուս: — Այ տղայ, նստիր, հէ-

րիք ոտքով գաս, յողնեցիր ախր, ասաց ընկերս: Հոգ չէ, այսպէս լաւ է, պատասխանեցի ես և շարունակեցի: Ուղիղ որ յողնել էի, բայց ճար չունէի, նստելը որ միտքս էր գալիս՝ ամբողջ մարմինս սարսուռ էր պատում, սակայն ոտքով երկար մանդալն էլ վերջ ի վերջոյ էն օրը զցեց ինձ, որ այլևս քայլերս չէին հնազանդում: 10—15 վերստ գնացած կը լինէինք, որ ընկերս էլ յողնեց, իջաւ ձիուց և երկուսս էլ փառաւորառէս ձգուեցինք կանաչազարդ գաշտի խոտերի վրայ մի կտոր հաց ուտելու: Չիապանները մեզնից քիչ հեռու իրենց պաշարի ազլուխներն արձակեցին, մենք մեր խուրջիները, իսկ ձիերը իրենց բերանները մօտեցրին կանաչ մարգագետնին:

Մօտ երկու ժամ հանգստանալուց յետոյ հեծանք և ինչ տանջանքներով երեկոյեան, էլ չեմ ատում հասանք, այլ մեզ զցեցինք Ղարաբիլիսա անուն գիւղը՝ համարեա կիսամեռ: Ոտքերիս ուռոյցները մէկին մէկ կրկնապատկուել էին, չապկիս յետևի փէշն էլ պէտք եկաւ և գուլպիս ճիտքը ամբողջովին քանդուեց, մնաց միայն թաթի վերջին ծայրը: Հետևեալ օրը ճանապարհի $\frac{2}{3}$ մասը քայլեցի, բայց վերքերս չը լաւացան: Աշտարակից խոտորեցինք ճանապարհը դէպի ընկերոջս աներոջ գիւղը Քեօթակլու՝ որ Բիւրականի վերևն է գտնուում, Արագածի ձիւնասահմանին համարեա կպած: Այդ գիւղում, նախ քան Երևան գնալը մի քանի օր հիւր էինք մնա-

լու: Այդքան ճանապարհը դալուց յետոյ քիչ էր մնում ցաւեմ, որ ոչ մի դէպք չեղաւ ընկերոջս քաջասրտութիւնը ի մօտոյ տեսնելու, որով նա յաճախ պարծենում էր ու յոխորտում. բայց փառք Աստուծոյ, կարօտ չը մնացի, այդ էլ տեսայ: Այդ մտածման մէջ էի և նոր էի ձիս նստել, որ յանկարծ լսուեց իմ ձիապանիս ահաբեկուած և ուժգին ձայնը՝ «իւն ... աղա ... իւն ... կաշն» (Օձն աղա, օձը, փախէք): Իւն մի ասա, մի գաղան, որ շեշտակի դէմ հանդիման կարծես մեր վրայ էր գալիս՝ գայարուելով: Ընկերոջս «փախիր» գոռոցը և մտրակի ուժգին հարուածը լսեցի միայն և աչքս բանալով՝ ինձ գետնին գտայ. 15 - 20 քայլ ինձնից հեռու դէպի առաջ՝ առանց ամաշելու պարկել էր նոյնպէս սպառազինուած ընկերս իր քոսոտ ձիու հետ: Անիրաւ իլանը չը կար, փախել էր:

— Չը, քէֆդ ո՞նց է Քեօռօղլի, ասացի ես վեր ընկածս տեղից:

— Սուս կաց, որ հրացանիս վրայ եմ ընկել, կողքս կարծես ջարդուել է:

— Լաւ է չի բացուել:

— Գնդակ կա՞յ մէջը, որ բացուի, և մի վայ արձակեց:

— Չը, տեղ մեղդ հօ չի ցաւում կամ վնասուել հօ չի:

— Վնասուելը չը գիտեմ, բայց շատ է ցաւում:

— Եագըխ, եագըխ, գլուխները կեղծաւորա-

բար թափ տալով ասում են թուրքերը, բայց նկատում եմ, քթերի տակ ծիծաղում են անիրաւները.— Ակն ընդ ականը միտքս եկաւ: Լաւ որ անվնաս էր անցել երկուսիս էլ վէր ընկնելը:

— Է՛հ, Աստուած երբորդ փորձանքից ազատի, ասացի ու վերկացայ. վերկացաւ և նա. ձիերն առաջ քաշեցին, բայց մինչև Քեօթակլու չը հեծանք երկուսս էլ: Նախ քան դիւղը հասնելը լուսահողին ինձնից խօսք առաւ աներոջը ոչինչ չասել: Նորափեսայ էր, ամաշում էր: Խօսքս պահեցի թէև, բայց ինչպէս յետոյ ընթերցողը կը տեսնի՝ փոշմանեցի:

Չորս թէ հինգ օր, միտքս չէ, մնացինք Դ , . Զ ...-իչի, ընկերոջս աներոջ մօտ, որ երևանի ամարային կիզիչ և խեղդուկ օդից փախչելով՝ ապաւինել էր իւր սեպհական ամարանոցում — այդ հրաշագեղ վայրում, որ ինչպէս ծիծեռնակի ապահով ու անդորը բոյն՝ պինդ կպել էր Արագածի հովասուն և անմահական ջրերով ցողուած լանջին: Մի գողտրիկ ու հաճոյատեսիլ օազիս էր Դ... Զ...-իչի ամարանոցը ժայռերի վրայ արհեստական կերպով բուսցրած, աճեցրած իր նախշուն պարտիզով — գործ վաստակաւոր ձեռքերի, որոնք չը նայելով իրենց տիրոջ պատկառելի հասակին՝ դեռ չէին յոգնել և գործում էին անդադար՝ կարծես թերահաւատներին ապացուցանելու համար, թէ անդուլ աշխատանքի

առաջ ոչ միայն բարեբեր հողը, այլ և լերկ ու կոպիտ ժայռերն անգամ ծլում են ու ծաղկում: Այդ գողտրիկ վայրից ահա, ինչպէս յստակ ու ջինջ հայելու մէջ, պարզ երևում էր Արարատեան ընդարձակածառալ դաշտը իւր անթիւ ու կանաչազարդ ցաք ու ցրիւ թուրք ու հայ գիւղերով: Պատմական Արաքսը, որ օձապտոյտ, որպէս մի անսկիզբն ու անվերջ արծաթեայ գօտի գալարում—ձգում էր իւր հին ու պատկառելի լերան—վեհապանծ մեծ ու փոքր Մասեաց ստորոտով ընդ առաջ էր սողում մուգին՝ անցած գնացածների ուրախ ու ախուր յիշատակները նորոգելով սրտիդ մէջ: Այդ հիասքանչ տեսարանին լուռ վկայ էր նաև Հայաստանեայց եկեղեցիների մայր թագուհի Ս. Եջմիածինը, իւր հարազատ քոյրերով—Ս. Գայիանէի, Զոզակաթի և Հռիփսիմէի վանքերով: Մի փոքր ներքև Բիւրականը իւր երկյարկ հայրապետանոցով, որի մէջ եկել, հանգրստանում էր անմոռանալի ուսումնասէր ու դպրոցասէր Տէր Գէորգ Գ. կաթողիկոսը, որի յաւերժական և անջինջ յիշատակը թող անմոռաց լինի դարէ դար՝ ամեն մի հայի սրտից:

Բանաստեղծական աւիւնս սանձել չը կարողանալու երկիւղից՝ դառնանք մեր հիւրընկալին, ընկերոջս աներ Գ... Զ...-իչին:

Հանգուցեալից շատ բան միտքս չէ, լաւ յիշում եմ նրա սրածայր սևամորթ փափախը, որի երկայնութիւնը եթէ քառապատկես՝ կտտանաս նրա կարճ հասակը, աւելացրու դրա վրայ

և իւր երկայն թևերով կարան՝ որ ստանաս ճիշտ Սունդուկեանի Պէպոյի Գիքօն: Եթէ, ընթերցող, հանգուցեալ Գէորգ Միւրազեանին—հայ թատրոնի զարդ. այդ աննման կօմիկին Գիքոյի զերում տեսել ես՝ էլ Գ... Զ...-իչին նկարագրելս իզուր կը լինի: Աւելցնեմ սակայն, որ Գ... Զ...-իչը իմ տեսած ժամանակ մի գլղլուած ծերունի էր և եթէ ոտքի վրայ կանդնում և ապրում էր տակաւին՝ նա պարտական էր ծերոց գաւազանին—կօնեակին, ուսին, մանախօսումին, քիչմիշի օղիին և սոցին նման այլ և այլ ըմպելիքներին, որ այնքան առատութեամբ Բաքոս ծերունին բաշխել էր նրան լառն ու անխտիր կուլ տալու՝ ժամանակ և անժամանակ: Միտքս է նոյնպէս, որ լուսահոգին ծխում էր շատ և անչափ—ծուլը ծխից, ինչպէս ասում են, չէր կտրում, որին զոհ պիտի գնար մի օր՝ եթէ փեսան չը հասնէր: Պարկած ժամանակն էլ առանց ծխելու չէր մնում: Մի օր, փառաւոր ճաշից յետոյ, ըստ սովորականին ծխելիս՝ պարկած տեղը քունը տարել և կրակն ընկել էր վերմակի վրայ, որից վերմակը բաւականին տեղ այրուել էր, իսկ նա չէր զգացել և դուցէ չզգար էլ ու այրուէր, եթէ փեսան պատահմամբ վրայ չը հասնէր և չազատէր աներոջն այրուելուց: Որքան յիշում եմ՝ օրինակելի հայհոյարան էլ էր, որի հայհոյանքներից չըջապատողները աւելի գուարճանում՝ քան նեղանում էին: Մեր տեսակցութիւնից յետոյ նա կարծեմ երկար չապրեց: Չօրրորդ, թէ հինգերորդ օրն էր, որ

չնորհակալութիւն անելով նրան իր ջերմ հիւրասիրութեան համար՝ մեկնեցինք Երեան, բայց այս անգամ ոչ բիւրականցու, այլ վարձու ձիւրով, որոնք իրենց եթէ ոչ տեսրով՝ գտնէ ընթացքի միասնման կոպտութեամբ մեր երանելի թուրքերի աւելի քան հրաշալի ձիերն էին յիշեցընում: 4—5 օրեայ հանգստութիւնը թէև բաւականին կազդուրել էր ոտքերս՝ բայց և այնպէս ցաւը բոլորովին չէր անհետացել. հարուած տեղերն սկսել էին ուռել և չիրաւի դառնալ: Ահա այդ դրութեամբ ես ձի հեծայ ընկերոջս հետ Երեան գնալու: Թէ ինչ տանջանքով և դժուարութեամբ հասայ Երեան, անգոր եմ նկարագրել. կասեմ միայն, որ 29 տարի անցնելուց յետոյ դեռ այդ ցաւերի տպաւորութիւնը թարմ է մնացել ուղեղիս մէջ: Քաղաքին մօտեցած՝ ընկերս իմացաւ, որ ես իջնելու եմ փեսայիս, այժմ հանգուցեալ Պ.... 2....եանի մօտ և խօսք առաւ հիւրասիրուելու անպատճառ իւր աներորդու տանը: Թէև շատ աշխատեցի ձեռքից ազատուել և իմ սովորական հիւրավայրում հանգիստ առնել, բայց չը կարողացայ: Ճրագվառոցից շատ ուշ քաղաք հասնելով՝ իջևանեցինք միասին նրա աներորդու մօտ, որ կենում էր մի քարաշէն վարձու տան մէջ՝ Царская փողոցում և որ այժմ ամեն անգամ մօտովն անցնելիս՝ կարծես լեզու առած յիշեցնում է ինձ ներկայ արկածներս: Տան տէրը, Վ.... Գ.... Ե....եանը տանը չէր, ամուսինը մեծ հաճութեամբ ու սիրով ընդունեց ինձ՝ որ-

պէս իր փեսայի մտերիմ ընկերոջ և պաշտօնակցին: Տանտիկինը խսկոյն թէյի պատրաստութիւն տեսաւ: Նստել եմ թէև, բայց, ինչպէս ասում են՝ քօսք ջանս պտտել է. վիրաւոր ոտներս սկսել են այնպէս քոր գայ, որ ամաչում եմ քորել, քրտինքը կոխել է ինձ չափազանց տօթից, աւելցրու դրա վրայ նաև մոծակների մանաւանդ մզմեղ ասուած համարեա անտեսանելի շարաճճիների յայտնի և գաղտնի անդուժ խայթոցը, որ ինձ համար անսովոր մի բան էր, այն ժամանակ ամեն ինչ կատարեալ կը լինի: Առաջին բաժակ թէյը հէնց բերին թէ չէ՝ շարարը ձգելուց յետոյ, էն էր ուզում էի բաժակը վերցնեմ մատուցարանի վրայից՝ մէկ էլ յանկարծ տր՛գզզր՛գզզ ... մի անիրաւ մոծակ մօտեցաւ բաժակին. ուզեցի քշեմ, որ մէջը չընկնի, ձեռքս փոխանակ մոծակին քշելով՝ դիպաւ թէյի գզալին ու բաժակն ամբողջ շուռ եկաւ կէսը մատուցարանի և կէսն ինձ վրայ: Էդ էր պակաս, ոտներս կիսախաշ եղան, քրտինքն ինձ կոխեց, ամօթից չիմացայ ինչ անեմ: Թաշկինակիս պատմութիւնն արդէն դիտէր, ոչինչ չը կար ձեռքիս, որ սրբէի այդ հերիք չէր՝ ընկերս սկսեց բարձրաձայն ծիծաղել ու թուլանալ, որ ինձ կատարել շարեցրեց: «Ոչինչ, ոչինչ» թէև լսուեց բարի տանտիրոջ սիրտ տուող ձայնը, բայց ես իմն առայ, շփոթուեցի և ինձ կորցրի: Ընկերոջս ծիծաղը դեռ շարունակուում էր, որ երկրորդ բաժակը բերին. նկատեցի, որ անիրաւ ծառան էլ էր քթի տակ ծիծաղում, ե-



ընկ հէնց նրա համար, որ բաժակը շուռ գալիս՝
 տար թէյից նրա ձեռքերին կամ սրունքներին բա-
 ժին չէր հասել: Ելի լաւ էր, որ նա ազատուել էր,
 թէ չէ կարող էր պատահել, որ ամբողջ մատու-
 ցարանը իր բոլոր բաժակներով վայր ձգէր և
 խայտառակութիւնը աւելի կատարեալ լինէր: Ինչ-
 քան աչքով ունքով արի ընկերոջս, որ լռի. տէ-
 րը չեղաւ, մէկ գլուխ հէնց ծիծաղում էր տնա-
 քանդը: Թէյից յետոյ հիւրասէր տանտիկինը սկը-
 սեց ընթրիքի պատրաստութիւն տեսնել: Ախ,
 երանի թէ այդ ընթրիքը չը լինէր ...: Երկար,
 շատ երկար սպասեցինք ամուսնուն, բայց նա
 չեկաւ.—նա կլուբում կը լինի և երևի շատ կու-
 շանայ, ասաց տանտիկինը, մենք նրան չենք
 սպասի, դուք յոգնած կը լինիք, աւելի լաւ է
 մենք ընթրենք: Փեսան համաձայնութիւն տուեց
 և ընթրիքի սեղանը բացուեցաւ: Երբ ամեն ինչ
 պատրաստ էր և տանտիկինը մի գոյգ մոմակալ
 վառած մոմերով սեղանի վրայ դնելուց յետոյ
 ուզում էր ինձ մօտ եղած թղթախաղի սեղանի
 վրայի լամպարն էլ դնել ընթրիքի սեղանին՝ տղա-
 մարդութիւնս կամ ինչպէս ասում են՝ կավայերու-
 թիւնս բռնեց ու խոնարհ ծառայութիւնս մատու-
 ցանել ուզելով ինքս կամեցայ լամպարը վերցնել,
 որ դնեմ հացի սեղանին: Չնոս լամպարին կաշելը
 տեսայ, չը գիտեմ ինչպէս եղաւ և ինչ կերպ
 բռնեցի, միայն գիտեմ, որ ամբողջ պատուական
 լամպարը ձեռքիցս սահեց, գուրս պրծաւ ու
 շրրը՛խկ, վայր ընկաւ յատակին: Գեղեցիկ լուս-

ամփոփի փշրանքը ծածկեց յատակը, լամպարը
 փշուր փշուր եղաւ՝ մեծ կտորը ախանջը մնաց,
 նաւթը բռնկեց ու հրդեհեց յատակը: Այս ան-
 գամ ընկերս ծիծաղը մոռացաւ, անարեկ ձայնով
 „накары“ գոչեց ու դուրս փախաւ, տանտիկինը
 ինչ անելիքը չը գիտցաւ ու սուր ճիչ արձակե-
 լով՝ դուրս փախաւ սննկակից, ես թէև սփրթնե-
 ցի ու գաճ դառայ համարեա, բայց ուզելով յան-
 ցանքս քաւել՝ յափշտակեցի սեղանի վրայ դրած
 լիքը ջրշիշը և ամբողջապէս շուռ տուի հրդե-
 հուած տեղի վրայ: Ունքը շտկելու տեղ՝ աչքն
 էլ հանեցի հրդեհն աւելի բորբոքուեց ու սաստ-
 կացաւ: Չետեանքից գլուխս կորցրած անջ տե-
 սայ միայն, սր ծառան ու փեսան կատաղածի
 պէս ներս ընկան մի մի կարպետ ձեռներին, որ
 ձգելով հրդեհի վրայ՝ իսկոյն հանգցրին: Նաւթի
 անախորժ հոտով լցուեց սենեակը և երբ վտանգն
 անցաւ՝ դարձեալ լսուեց ընկերոջս անգուտգ ծի-
 ծաղը և տանտիկնոջ «ոչինչ, ոչինչ» յուսադրական
 խօսքերը: Ես կատարեալ շշմել էի և ինձ կորցրել,
 հազիւ ուրեմն համարձակուեցի շնչալ— «էլ ինչ
 ոչինչ, տիկին, խայտառակ բան դուրս եկաւ»: Բայց
 եղածն անցած էր, ծառան արդէն գլուխը
 թօթուելով յուսամփոփի և լամպարի բեկորներն
 էր աւելում, սրբում: Ինձ կատարեալ մորթում էր
 ընկերոջս անհատնում ծիծաղը, որ դեռ երկար
 շարունակում էր: Չատ բաց բերանն էր, ասա
 ինչ կար ծիծսդելու, դեռ մի բաժակ էր շուռ
 եկել և մէկ էլ մի լամպար փշրուել: Բարի տան-

տիկինը այսպիսով զրուցելնս տեսնելով՝ իւր քաղցր խօսքերով կրկին ու կրկին սիրտս առաւ և նստանք ընթրիքի: Առաջին կերակուրը, ոչինչ, եկաւ ու զնաց առանց միջնադէպրի ու փորձանքի: Ընկերս առաջարկեց տանտիկնոջ կենացը, ձեռքս մեկնեցի կարմիր գինու շիշին, որ բաժակս լցնեմ, յանկարծ դիպայ մոմակալին, մոմակալը խոնարհուեց, որ վայր ընկնի՝ ուղեցի մոմակալը բռնեմ, բայց չը կարողացայ, նա արդէն դիպել էր շիշին ու ծռել, ուղեցի կարմիր գինու շիշը բռնեմ՝ ձեռքս հասաւ միայն մոմակալին, որ աւելի ուժգին հրեց շիշին, որ շուռ եկաւ ու ձիւնի պէս մաքուր սպիտակ ծովը — սփռոցը կարմիր ծով դարձաւ: Ընկերոջս էլ էդ էր պակաս, աչքերը խփեց ու ծիծաղի տոպրակի բերանը բաց արտւ ու սկսեց հռհռալ մինչև խեղդուելու սատիճան: Թէև տանտիկինը քաղաքավարութիւնից էլի յարեց իւր «ոչինչ, ոչինչ»-ը, բայց ինչ իմ հայն էր՝ Աստուած թշնամուս ցոյց չը տայ, ամօթից գետին մտայ ես: Աղամաններում էլ աղ չը մնաց, բոլորն էլ թէև տիկինը գինու թափած տեղի վրայ շող տուեց, բայց ինչ կուզէր անէր՝ անօգուտ էր, սփռոցը ինձ նման բանից պրծել էր: Հերթն եկաւ երկրորդ կերակրին: Ճտով տապակայ էր գետնախնձորով, որ տանտիկնոջից յետոյ ծառան ինձ մօտեցրեց՝ սկուտղը լի շագանակագոյն իւղալի հիւթով: Մի կտոր առանց փորձանքի վերցնելուց յետոյ պատառաքաղս ուղեցի խրել սիրածս կարմիր ձուածեղի պէս կար-

մրացրած — տապակած գետնախնձորի կտորի մէջ, որ ամանս զնեմ՝ էլ չը գիտեմ ինչպէս եղաւ, ծառայի՝ թէ իմ անշնորհքութիւնիցն էր՝ սկուտղը նրա ձեռին հաւասարակշռութիւնը կորցրեց (մի ձեռով էր պահել անիրաւը) և իւղալի հիւթն յանկարծ շրճուող գէպի իմ ամանս ու սեղանը, անմասն չը թողեց և շորերս: «Առ քեզ տրաքոց», մտածեցի ես. թէև դարձեալ «ոչինչ, ոչինչ» կրկնեց տանտիկինը, բայց այս անգամ ինքն էլ վերթկաց — ծիծաղեց, իսկ ընկերս, լուսահուլին... կարծես իսկի չէր ծիծաղել խեղճ ողորմելին, գոգցես մի մահանի էր սպասում... հռհռոցն սկսեց, բայց քիչ էր մնում խեղդուի այս անգամ անկուշտ ծիծաղից: Բարկութիւնս շատ եկաւ մանաւանդ հէնց այն պատճառով, որ այդ խայտառակութիւնից յետոյ ժամանակ զբտաւ նա դիտմամբ բաժակը բաժակիս խփել և իմ թանկագին կենացը կօծել կէս խեղդուկ և կէս արձակ ծիծաղով: Մէկ մտածեցի իլանի — օձի պատմութիւնն անեմ, բայց վրէս հալ չէր մնացել, ամօթի մէջ կորել, թաղուել էի բոլորովին: Թէ ինչպէս վերջացաւ ընթրիքը՝ չեմ յիշում, յիշում եմ միայն, որ վերկենալուց յետոյ լուցկին վառեցի գլանակս կպցնելու ու սեղանի վրայ մախրաման չը գտնելով՝ վառ լուցկին բաց լուսամուտից ձգեցի դուրս գէպի հայեաթը: Երկու ըոպէ հազիւ անցած կը լինէր, մէկ էլ ինչ տեսնենք, թէ սենեակը և թէ դուրսը անկարագրելի լուսով բոցավառուեց: Չգաժս անիրաւ

լուցկին ընկել էր հայեաթում դարսած չոր խո-
տի դէզի մէջ և իւր շնորհքը ցոյց տուել: Թէ
ծառաները ինչ դժուարութեամբ հանգցրին գէ-
զը՝ աւելորդ եմ համարում յիշել. կասեմ միայն,
որ նրանցից մէկի խօսքերը թէ՛ «էս լա... թարալէն
նրտեղից եկաւ տօ» դեռ չեմ մոռացել, խօսքերը՝
որոնք ուղղուած էին իմ հասցէին: Ինձ գայրա-
ցնում ու նեղում էր միայն ընկերոջս անվերջ
ծիծաղը, որ քանի գնում՝ այնքան աւելի իւր
զազաթնակէտին էր հասնում: Թէ և դարձեալ բա-
րի տանտիկինը իւր «ոչինչ, ոչինչ»-ը չը խնայեց
ինձնից, բայց այդ ոչինչի մէջ ինձ թւում էր,
թէ աւելի դառն ծիծաղ էր թագնուած: Խոտի
հրդեհից յետոյ հազիւ կէս ժամ անցած՝ կլուբից
տուն եկաւ տան տէր Վ... Դ... Ե...-եանը, որ
հրաբորբոք համբուրուելով փեսայի հետ, սիրով
ընդունեց և ինձ, իւր փեսայի բերած քաղաքա-
վարի հիւրիս:—Յը, տարուել ես ... հարցրեց
տանտիկինը, — Այո, Ե ըուբի, պատասխանեց
ամուսինը: Լեզուս բացուեց. — Ես աւելի շատ եմ
տարուել Վ... Դ...-իչ, ասացի ես ու իրար յե-
տեից թուեցի՝ մէկ թէյի բաժակ, մէկ լամպար իւր
լուսամփոփով, մի շիշ կարմիր գինի, մի սփռոց,
մի աման տապակայի շագանակաղոյն հիւթ և մի
դէզ խոտ: Նորեկ տան տէրը գլխի չընկաւ և չը
հասկացաւ ի հարկէ, բայց լուսահոգի ընկերոջս
բերանում լօբի երբ կը թըջուէր. պարոնը աչքի-
բը խփեց ու բերանը բաց արաւ, ծիծաղից խեղ-
դուելով հազիւ հազ կարողացաւ պատմել գլխիս

եկած արկածները: Որքան եղաւ իմ զարմանքը,
որ աներորդին էլ միացաւ փեսայի հետ, նա էլ
բերանը բաց արաւ ու հրո հա հրո, հի, հա, հի,
հի, հա, հի, խա, խա, խա, խի, խա, խի իր օրի-
նակելի ու արտասովոր բարձր ու անկուշտ ծի-
ծաղով թնդացրեց ասրող սենեակը, աւելացրէք
դրա վրայ և այն, որ վերջումն էլ ցաւ յայտնեց,
որ ինքը ափսոս որ զրկուել է գլխիս եկածնե-
րին անձամբ վկայ ու ներկայ լինելու բախտից:
Դէ արի դու մի կատաղի, էլի ոգորմի հօրը, լաւ
էր, որ խաթրս առնելու համար ամուսնու ասա-
ծի նման նա էլ «ոչինչ, ոչինչ» ասելով սիրտ
տուեց ինձ, որ շամաչեմ ու չը կտարուեմ, սա-
կայն ինձ ոչինչ օգնել կարող չէր, ոտքից մինչև
գլուխս խայտառակուել, պըծել էի: Բայց երանի
թէ բաւ լինէր այդքանը:

Քնելու ժամանակն եկաւ, ընկերոջս տեղը
ներսը գցեցին, իսկ իմը դուրսը՝ պատշգամբի
թախտի վրայ, ուր իբրև թէ աւելի հով կարող
էր լինել և մոծակն ու մզմեղը քիչ: Իմ կարծի-
քով ուղիղն այն էր, որ ինձպէս ահամայ վայրե-
նու ապագայ վտանգներից ազատուելու միակ
ցանկութիւնն էր ու որոշումը, որով զրկեցին
ինձ սենեակում քնեցնելու պատուից ու շնորհ-
քից: Թէ և անիրաւ մոծակներն ու մզմեղները
ինձ բոլորովին քրքրեցին ու արիւնս ծծեցին՝
բայց հալալ լինի նրանց. լաւ որ՝ այդպէս եղաւ
ու տեղերս դուրսը ձգուեցաւ: Խուրջինս կան-
խապէս բերել, գրել էի մօտս, թախտիս տակ:

Հուանի լուսով նկատեցի, որ ինձ համար ձգած անկողինը շատ փառահեղ էր, մետաքսեայ բարակ անկողին, ձիւնի պէս ջինջ սաւան և նոյնպիսի երկու բարձ՝ իրար վրայ դրուած: Ով որ տարուան այդ եղանակին երևան եկել է, մանաւանդ, եթէ նա տեղացի չէ և ցուրտ կլիմայի սովոր՝ նա լաւ կլիմանայ, թէ որքան անտանելի բան է գիշերել այդպիսի շոգում: Չատ անդամ համարեա օդ չես գտնում շնչելու և քիչ է մնում տօթից պատուոխս, աւելցրու դրա վրայ և գլխիս եկած արկածները՝ այն ժամանակ հասկանալի կը լինի իմ դրութիւնը: Քրտինքը ձեռք չէր վերցնում ինձնից, մտածմունքը մէկ կողմից, ոտներին անտանելի քորն ու ցաւը միւս կողմից՝ հոգիս հանում էին թէև, բայց և այնպէս պարկերուցս յետոյ շատ չը բաշեց և քունը յաղթեց ինձ: Կէս գիշերին, չը գիտեմ ժամի քանիսը կը լինէր՝ յանկարծ վեր թռայ կարծես ոտքերիս ցաւից մի քիչ թեթեւացած: Ձոյգ ոտքերիս վրայի կապկպած խոցերը, որ արդէն չափազանց ուռել, լցուել ու հասել էին՝ ինքն իրանց բլել և թարախախաւն արեան ջրերով ներկել էին մաքուր սաւանը: Արկածներիս գլուխ գործոցն ու վերջաբանն էր այդ: Մոլորանքն ինձ առաւ.— ինչ անեմ Տէր Աստուած, խորհեցի ես և երկար չը մտածելով՝ անփէշ կարճ շապիկս հանեցի, որ իմ խելքով՝ սաւանը սրբեմ ու մաքրեմ ... կեցցեմ ես ... բարաքեալա ... լաւ մաքրեցի. թէ որ առաջ չորս հինգ տեղ էր աղտոտուած, այժմ սա-

ւանի կէսը ներկուեց նոյն զեղնակարմիր գոյնով, այդ բաւական չի. աչքս յանկարծ գլխիս տակի բարձին ընկաւ ու տեսայ, որ պակասն էլ նա է լրացրել: Զնքիցս հոսած առատ քրտինքից մաքուր բարձը այնպէս էր իր տակի մետաքսեայ կարմիր կտորից ներկուել, որ կարծես դիտմամբ լինես ներկել տուած: Արկածներիս թագն ու պսակը տեսնելով՝ մտքիցս հագար ու մի բան անցաւ, թէ այս ինչ տեսակ արարած պիտի կարծեն ինձ այս մարդիկ, տանտիկինն ու իր ամուսինը, երբ որ տեղերս հաւաքելիս՝ ծառաները վերմակը բարձրացնեն ու շնորհքս ցոյց տան: Ամաշկոտութիւնից էլ ես լեզու պիտի ունենամ արդեօք բացատրելու, թէ ինչ պատճառով է ներկուել սաւանը, կամ եթէ իսկութիւնն էլ ասելու լինիմ՝ պիտի հաւատան արդեօք: Չատ մտածեցի, շատ ծանր ու թեթեւ արի ու տեսայ, որ էլ ճար չը կայ, երես չէր մնացել, որ առաւօտեան համարձակուէր տան տիրոջ կամ նորա ամուսնու ղէմքը տեսնել, ուստի վճռեցի մի կերպ շնորհքս պակսեցնել, առնել խուրջինս ու փախչել: Այդպէս էլ արեցի. նայեցի աչ ու ձախ և տեսայ, որ ոչ մի ձայն չէ լսում, բոլորը քնած են, սուս ու փուս շորերս հագայ, վերմակով ծածկեցի ներկուած բարձն ու սաւանը, խուրջինը ուսս ձգեցի, հայեաթի դրան փայտեայ նիզը զգուշութեամբ բաց արի ու պոճկ ... փախի թէ կը փախչես՝ բորիկ ոտքով դէպի փողոց. էն փախչելն էր, որ փախայ այժմ հանգուցեալ, իսկ այն ժա-

մանակ դեռ կենդանի փեսայիս—Պ... 2...-եանի
տուն: Ես փախայ, ազատուեցի, բայց կօշիկներս
զերի մնացին այնտեղ, որ ծառան երեկոյեան
վերցրել էր սրբելու և որ առաւօտեան բերին
տուն: Այնուհետև էլ չը գիտեմ, առաւօտը տե-
ղերս տեսնելիս բարի տանտիկինը էլի «ոչինչ,
ոչինչ» ասաց, թէ ուրիշ բան, գիտեմ միայն
հաստատ, որ հանգուցեալ ընկերս իւր ընդհա-
տուած ծիծաղը պիտի բուռն ուժով վերանորո-
պէր ու ինձ չը գտնէր, որովհետև առաւօտեան
ժամի 10-ին ես արդէն ղէպի Հին Նախիջևան—
հայրենիք էի ճանապարհուել:

Մագիթելով, որ Աստուած բոլոր ընթերցող-
ներիս այդպիսի արկածներից ու անսպասելի
փորձանքներից ազատ պահի՝ կնքում եմ պատ-
մութիւնս և աւելացնում, որ ամեն անգամ յի-
շածս տան մօտով անցնելիս կամ դեռ ես ողջ և
առողջ բարի տանտիկնոջն ու իր յարգելի ամուս-
նուն տեսնելիս՝ առանձին մի բաւականութեամբ
յիշում եմ թէ տանտիկնոջ «ոչինչ, ոչինչ»,ը, թէ
լուսահոգի ընկերոջս քահ քահ կուշտ ծիծաղը և
թէ առ հասարակ այդ անցած, գնացած, այժմ
զուարճալի քաղցր ժամերը:



ՀՀ Ազգային գրադարան



NL0369000

58725

